

ADYAYA I

PURWAKA

1.1 Dadalan Pikobet

Sastra Bali pinaka sastra sane kadadosang unteng pikayunan krama Bali. Sastra Baline kaanggen genah ngamedalang sadaging kawentenan kauripan ring parikarman, minakadi kawentenan *sosial budaya, politik* miwah *ekonomi*. Kawentenan sastra Bali banget mapikenoh antuk kukuhnyane basa lan budaya Bali. Punika mawinan sastra Bali nenten prasida kapasahang saking basa lan budayane. Sastra Bali nenten tios wantah samian wangun kria sane marupa sesuratan olih makudang-kudang aksara sane madue unteng lan mabuat pisan majeng ring paguyuban krama Bali. Sastra madue teges aksara, sesuratan, taler sane mangkin sastra punika madue teges kria sastra sane marupa gancaran, puisi, miwah drama (Antara, 2011: 1). Kria sane marupa gancaran, puisi, miwah drama sane kasungguh sastra punika prasida ngicenin tetuladan. Sekancan kria sastra Bali sane ngicen tetuladan minakadi sesuratan sane luh, ajah-ajahan sane becik miwah kasusilan punika ketah kabaos kesusastraan Bali.

Basa Bali inggih punika sinalih tunggil basa *daerah* ring panegara *Indonesia*, sane kapiara becik olih krama Baline. Basa Bali punika taler basa sane kabaosang pinaka basa Ibu. Santukan basa Baline sampun kaangen olih krama Baline ngawit wawu embas ngantos mangkin sane pinaka sarana *komunikasi*. Lianan punika basa Bali kadadosang peplajahan *muatan lokal wajib* sane patut kaajahin ring sakancan undagan paguron-guron sawewengkon

Provinsi Bali. Nika mawinan Basa Baline kabaos sarana *pendukung* kebudayaan Bali sane tetep ajeg miwah lestari ring Bali.

Basa Bali kadadosang peplajahan *muatan lokal wajib* sane patut kaajahin ring sakancan undagan paguron-guron sawewengkon Provinsi Bali. Kawentenan puniki kadasarin antuk tetimbang saking *Lampiran II Peraturan Menteri Pendidikan dan Kebudayaan Republik Indonesia Nomor 81a Tahun 2013 tentang Implementasi Kurikulum Pedoman Pengembangan Muatan Lokal* sane kalanturang olih Pemerintah Provinsi Bali antuk ngamedalang *Peraturan Gubernur Bali Nomor 20 Tahun 2013 tentang Bahasa, Aksara, dan Sastra Daerah Bali pada Pendidikan Dasar dan Menengah*. Silih tunggilnyane daging Pergub Bali punika maosang mangda basa Bali kaajahin pinaka peplajahan ring makasamian undagan paguron-guron inggih punika ring *Sekolah Dasar, Sekolah Menengah Pertama dan Sekolah Menengah Atas* antuk galah paling kidik 2 jam peplajahan. Antuk kawentenan basa Bali punika pinaka peplajahan *muatan lokal wajib* puniki kaaptiang prasida sumingkin mikukuhang usaha nglestariang basa Bali.

Mungguing tetujon mlajahin sastra Bali punika kaanggen sesuluh miwah panuntun nincapang kahuripan sajeroning nyanggra aab jagate sane kebaos awor tan pawates (Disbud Provinsi Bali, 2007:5). Mangda prasida daging-daging sastrane kauningin olih para janane patut pisan yening peplajahan sastrane ngranjing ring kuuban paguron-guron. Punika mawinan kawentenan peplajahan basa Bali kadadosang pemargi anggen ngwedhar ajah-ajahan sastra Baline. Basa Bali kadadosang peplajahan *muatan lokal wajib* sane patut kadagingin ring sekancan undagan paguron-guron sawewengkon Provinsi Bali. Tetimbang puniki

olih Pemerintah Provinsi Bali antuk ngamedalang *Peraturan Gubernur Bali nomor 20*warsa 2013 indik *Bahasa, Aksara dan Sastra Daerah Bali Pada Pendidikan Dasar dan Menengah*. Sinalih tunggil dagingnyane maosang indik peplajahan basa Bali mangda kaajahin ring samian undagan paguron-guron *dasar* utawi *menengah* kalih jam peplajahan. Tetimbang puniki olih Pemerintah Provinsi Bali antuk ngamedalang *Peraturan Gubernur Bali nomor 20*warsa 2013 indik *Bahasa, Aksara dan Sastra Daerah Bali Pada Pendidikan Dasar dan Menengah*.

Daging peplajahan punika kajantenang ring *silabus kurikulum 2013* pinaka *Kompetensi Dasar (KD)* sane patut kalaksanayang. Tembang inggih punika sastra sane madue piteket saha katujuang majeng ring para janane sane kadadosang panuntun ri kala malaksana ring gumine. Silih tunggilnyane peplajahan tembang inggih punika sekar rare, sekar alit, sekar madia, sekar agung. Sane kabaosang ring tetilikan puniki inggih punika sekar madia utawi kidung sane ngrajing ring soroh sastra Bali tengahan. Manut Tinggen (1982:14), kasusastraan Bali inggih punika wantah mawit saking kruna sastra polih pengater su- raris polih *konfiks* ka-an dados kruna tiron kasusastraan. Kruna sastra sane mateges ajah-ajah, kaweruhan. Pangeter su- sane mateges luh, becik taler *konfiks* ka-an sanenyihnayang artos kawentenan. Panadosnyane kruna kasusastraan mateges kawentenan ajah-ajahan utawi kaweruhan sane luh tur becik.

Manut Gautama (2001:2) kasusastraan makawit saking basa Sansekerta : Sastra, polih pangater “Ka” miwah pangiring “an” dados Kasusastraan. Sastra mateges sapuniki : Sas = nyukat-nyukat wiadin ngukur (*mengukur*), tra = piranti (sarana = *alat*). Sastra inggih punika : aksara piranti ngajahin tatwa, kaweruhan (*ilmu*). Susastra teges ipun daging sesuratan sane becik /

utama. Kasusastraan : palaning reriptyan Ida Sang Kawiswara malarapan antuk pawisik / wahyu sane kaiket (*dikarang*) basa utawi aksara sane lengut. Kalengutannyane punika marupa : Gancaran (kekawian sane tan kaiket = *prosa*), Tembang (kekawian sane kaiket uger-uger = *puisi*), miwah palawakia (kekawian sane bebas wiadin tan kaiket uger-uger sesuratan, sakemaon rikalaning ngwacen patut matembang = *prosa liris*).

Kasusastraan Bali kakepah dados kalih inggih punika kasusastraan Bali purwa (*tradisional*) miwah kasusastraan Bali anyar (*modern*). Kasusastraan Bali purwa kakepah dados kalih soroh inggih punika gancaran (*prosa*) miwah tembang (*puisi*). Sinalih tunggilnyane wangun kasusastraan Bali sane dahat kasub ring krama Bali inggih punika Tembang. Tembang punika gagegndingan sane madaging piteket-piteket sane katuju majeng ring manusane kaanggen panuntun sajeroning ngamargiang kahuripan. Yening kacingak ring *Kompetensi Dasar* (KD) ring sisia kelas XI Akuntansi SMK Negeri 1 Singaraja punika wenten pangajahn indik kidung. Kidung sane pacang kaajahin ring sisia minakadi kidung Ranggalawe, kidung Sri Tanjung, kidung Pamancangah Dalem, kidung Amad Muhamad, kidung Kaki Tua, Malat, Wargasari Alis-alis Ijo, miwah sane lianan. Basa Bali inggih punika silih sinunggil peplajahan muatan lokal ring provinsi Bali sane kamargiang ring tingkat Sekolah Dasar nyantos SMA. Maosang indik basa, ring paplajahan basa wenten sane kabaos *aspek* kawagedan. *Aspek* kawagedan punika kaepah dados petang soroh inggih punika kewagedan mirengang, kawagedan mabebaosan, kewagedan ngwacen lan kawagedan nyurat. Ring tetilikan puniki sane dados pikobet inggih punika *aspek* kawagedan mabebaosan (matembang). Mabebaosan inggih punika wentuk bebaosan manusa sane pinih

dasar (Wendra 2005:3). Manut panureksan sane kalaksanayang ring sekolah sane kaambil ring kelas XI, punika kapolihang ngenenin indik kawagedan mabebaosan. Kawagedan mabebaosan sisia ring kelas XI rendah, puniki prasida kacingak saking pikolihan *skor* kawagedan nembangang kidung wargasari wantah ngranjing ring standar *KKM*.

Sakadi praktiaksa riin sane kalaksanayang penilik ring SMK Negeri 1 Singaraja majalaran antuk sadu wicara majeng ring guru basa Bali kelas XI, Drs. Ngurah Alit, M.Si kabaosang pamargin peplajahan matembang sampun nganutin tuntutan *Kurikulum*, saha peplajahan matembang taler sampun kalaksanayang majalaran antuk *ekstrakulikuler* tembang nyabran rahina sukra, nanging kawagedan sisia nembangang kidung kabaos kanton kirang. Panilik nguratiang guru kanton nganggen *metode ceramah*, taler ri kala ngajahin kidung guru akehan nlatarang indik *teori* kidung kemanten. Sisia kaicen pauruk wantah ping kalih ngantos ping tiga. Parindikan punika sane ngawinang sisia nenten waged ring peplajahan nembangang kidung. Pinaka imbanyane ring kelas XI Akuntansi C saking telung dasa sisia sane wenten, wantah pitung diri sane mrasidayang nembangang kidung wargasari.

Wenten makudang-kudang tatacara utawi *metode* sane prasida kaanggen olih guru ritatkala ngajahin. *Metode* inggih punika makudang-kudang *teknik* peplajahan sane kaangen pamargi pangajahan ring para sisia. Wenten *metode ceramah*, *metode tanya jawab*, *metode karya wisata*, *metode drill* miwah sane tiosan. Mratiaksayang kahanan sisia miwah metode guru ngajahin ring kelas XI Akuntansi C SMK Negeri 1 Singaraja sajeroning peplajahan kidung karasayang kanton meweh nincapang kawagedan sisia.

Pinaka jalaran anggen nepasin pikobet punika guru mangda ngrereh *strategi* sane prasida ngwantu sajeroning palajahan matembang. Manut Syaiful miwah *Strategi* inggih punika ulengan (*pedoman*) anggen mikolihan anceng (*sasaran*) miwah wenten paiketannyane sareng pamargi peplajahan, ngenenin indik parisolah guru mangda mikolihang tatujon sane sampun katetepang. Mawinan punika panilik meled ngwantu sajeroning pikobet peplajahan nembangang kidung sajeroning parikrama pangajah-ajahan nembangang kidung wargasari.

(Kartis:2020) Nyingakin *situasi* sakadi mangkin kocap wenten gering agung sane sampun ngranjing ka *Indonesia*, gering punika kabaos *Covid-19*. *Pengaruh* gering punika ring parindikan pendidikan pinih mabuat, kerana sami sakancan sane kabaos pendidikan punika nenten kamargiang *luring (luar jaringan)* nanging kalaksanayang antuk *sistem daring (dalam jaringan)*. *Covid-19* punika durung wenten kocap tambanyane. Parindikan peplajahan sane wenten ring sekolah sampun prasida katepasi antuk *memanfaatkan teknologi* sane wenten. *Pengaruh* kawentenan *virus* puniki nenten ja wantah ring sekolah kemanten sane keni imbasnyane nanging ring sakancan paguron-guron miwah ring *pemerintahan*. Sami pakaryan sane kasarengin olih anak akeh sumangdane nenten kamargiang, minakadi paruman, lomba-lomba, miwah sane tiosan. Akeh *teknologi* sane prasida kaanggen nepasin pikobet punika minakadi nganggen *google meet*, *zoom* miwah sane tiosan. Yening ring paguron-guron *teknologi* sane ketah kaanggen inggih punika *aplikasi zoom* miwah *google meet*.

Saking parindikan punika sane pinaka *solusi* utawi sane anggen natasin pikobet ring ajeng inggih punika pidabdab utawi tata cara pangajah sane

kalaksanayang anggen ngamolihang tetujon sane kabaosang *metode*. *Metode* sane kaanggen nincapang kewagedan mabebaosan inggih punika *metode drill*. *Metode drill* inggih punika tata cara ngajahin sisia antuk ngamiletin pauruk (Sriyono, 1992:112). Pauruk punika sane pacang ngawinang sisia prasida ngresepin peplajahan. Saking penampen sujana ring ajeng, *metode drill* madue artos tata cara ngajahin mangda sisia ngamiletin tur jakti-jakti malajah mangda prasida ngresepin napi sane sampun kaajahin. *Metode drill* becil kaanggen riantukan tata cara mlajahnyane kamargiang nglantur (*berkelanjutan*).

Tetilikan sane ngawigunayang *metode drill* sampun naenin kalaksayanag olih panilik inggih punika tetilikan saking Ni Putu Sri Partami (2016) tetilikannyane mamurda *Metode Drill* Kaanggen Usaha Nincapang Kawagedan Nyurat Pupuh Ginada Sisia Kelas VII A SMP Negeri 2 Pekutatan. Tetilikan sane patch kaping kalih wenten I Kade Angga Kukuh Stiawan (2019) tetilikannyane mamurda *Metode Drill* Kaanggen Nincapang Kawagedan Nembangang Pupuh Semarandana Sisia Kela XI Ilmu Bahasa dan Budaya SMA Negeri 1 Kubutambahan. Kalih tetilikan punika matetujon nguningin kawagedan mirengang, nyurat, lan nembangang ring para sisia.

Malarapan antuk dadalan pikobet sane sampun katlatarang ring ajeng, kawentenan *metode drill* dahat mabuat pisan kaanggen nincapang kawagedan sisia ring peplajahan matembang kidung wargasari. Pidabdab nganggen *metode drill* puniki pacang nuntun pamargin guru ri kala nagingin peplajahan nembangang kidung wargasari. Sisia pacang polih makudang-kudang pauruk sane nglantur, sane ngawinang sisia gelis ngresep. Mawinan punika panilik meled nglaksanayang tetilikan sane mamurda “*Metode Drill* Sajeroning Aplikasi Google Meet Kaanggen

Nincapang Kawagedan Nembangang Kidung Wargasari Sisia Kelas XI Akuntansi C SMK Negeri 1 Singaraja.

1.2 Ngrereh Pikobet

Sajeroning tetilikan puniki, panilik ngrereh makudang-kudang pikobet sane mapaiketan sareng dadalan pikobet sane sampun kabahbahang ring ajeng. Pikobet sane sampun karereh mangda mapaiketan sareng *metode drill* mangda nincapang kawagedan sisia matembang kidung wargasari. Pikobet sane sampun karereh minakadi, (1) sapunapi pidabdab sajeroning ngawigunayang *metode drills* sajeroning *aplikasi google meet* kaanggen nincapang kawagedan sisia nembangang kidung wargasari sisia kelas XI Akuntansi C SMK N 1 Singaraja? (2) napikemetode *drills* sajeroning *aplikasi google meet* prasida kaanggen nincapang kawagedan nembangang kidung wargasari sisia kelas XI Akuntansi C SMK Negeri 1 Singaraja? (3) sapunapi panampen sisia ring kawentenan *metode drills* sajeroning *aplikasi google meets* sane kaanggen nincapang kawagedan nembangang kidung wargasari sisia kelas XI Akuntansi C SMK Negeri 1 Singaraja (4) Sapunapi kawagedan sisia kelas XI Akuntansi C SMK Negeri 1 Singaraja negesin kidung wargasari?

1.3 Ngwatesin Pikobet

Sajeroning tetilikan sane jagi kalaksanayang, panilik nureksain malih pikobet sane sampun karereh. Pikobet punika kawatesin santukan wenten makudang-kudang parindikan minakadi, tetilikan kabanda antuk galah, ngicenin galah majeng ring panilik lianan mangda nyangkepin lan maripurnayang tetilikan piniki, miwah sane lianan. Pikobet sane kawatesin inggih punika minakadi, (1)

ngawigunayang *metode drillsajeroning aplikasi google meet* anggen nincapang kawagedan sisia nembangang kidung wargasari sisia kelas XI Akuntansi C SMK N 1 Singaraja. (2) *metode drillsajeroning aplikasi google meet* prasida kaanggen nincapang kawagedan nembangang kidung wargasari sisia kelas XI Akuntansi C SMK Negeri 1 Singaraja. (3) panampen sisia ring kawentenan *metode drill sajeroning aplikasi google meet* sane kaanggen nincapang kawagedan nembangang kidung wargasari sisia kelas XI Akuntansi C SMK Negeri 1 Singaraja.

1.4 Bantang Pikobet

Malarapan antuk dadalan pikobet sane kawedar ring ajeng, bantang pikobet sane prasida kapolihang inggih punika:

1. Sapunapi pidabdab sajeroning ngawigunayang *metode drillsajeroning aplikasi google meet* anggen nincapang kawagedan sisia nembangang kidung wargasari sisia kelas XI Akuntansi C SMK N 1 Singaraja?
2. Napike *metode drillsajeroning google meet* prasida kaanggen nincapang kawagedan nembangang kidung wargasari sisia kelas XI Akuntansi C SMK Negeri 1 Singaraja?
3. Sapunapi panampen sisia ring kawentenan *metode drill sajeroning aplikasi google meet* sane kaanggen nincapang kawagedan nembangang kidung wargasari sisia kelas XI Akuntansi C SMK Negeri 1 Singaraja?

1.5 Tetujon tetilikan

Malarapan antuk bantang pikobet ring ajeng, tetujon tetilikan puniki inggih punika :

1. Mangda prasida nelatarang indik pidabdab peplajahan sajeroning ngawigunayang *metode drillsajeroing aplikasi google meetsane* anut anggen nincapangkawagedan nembangang kidung wargasari sisia kelas XI Akuntansi C SMK Negeri 1 Singaraja.
2. Mangda prasida kauningin asapunapi tata cara nincapang kawagedan nembangang kidung wargasari sisia kelas XI Akuntansi C SMK Negeri 1 Singaraja antuk *metode drill*.
3. Mangda prasida nelatarang indik penampen sisia ring kawentenan*metode drillsajeroingaplikasi google meetsane* kaanggen nincapang kawagedan nembangang kidung wargasari sisia kelas XI Akuntansi C SMK Negeri 1 Singaraja.

1.6 Kawigunan Tetilik

Kawigunan tetilikan sane mamurda *metode drillsajeroingaplikasi google meet* Kaanggen Nincapang Kawagedan Nembangang Kidung Wargasari Sisia Kelas XI Akuntansi C SMK Negeri 1 Singaraja inggih punika :

1.6.1 Kawigunan Pamucuk (Teoritis)

Pikolih tetilikan puniki kaaptiang mawiguna ring sajeroning panglimbakan widia (*teori*) indik *metode drillsajeroing aplikasi google meet* majeng ring kaweruhan widia paguron-guron (*ilmu pendidikan*), cutetnyane peplajahan basa Bali marupa tembang utawi kidung.

1.6.2 Kawigunan Panglimbak (*praktis*)

Kawigunan panglimbak prasida macihna ri kala sepat siku-siku sane pacang katelebang. Kawigunan panglimbak ring tetilikan puniki inggih punika :

a. Majeng ring Sisia

Kawigunan tetilikan puniki majeng ring sisia inggih punika paweweh aji (*ilmu*) mangda sisia uning tur ngresepang indik tata cara nembangang kidung.

b. Majeng ring Guru

Sajeroning tetilikan puniki kaptiang prasida ngwantu guru minakadi guru basa Bali sane wenten ring SMK N 1 Singaraja anggen nincapang kaweruhan tata cara ngajahin matembang kidung wargasari nganggen *metode drill*.

c. Majeng ring Panilik Tiosan

Pikolih ring tetilikan puniki kaaptiang mawiguna majeng ring panilik tiosan, anggen piranti pabinayan (*perbandingan*)ri kala nglaksanayang tetilikan sane patch.

d. Majeng ring Panilik

Pikolih tetilikan puniki, kaanggen dasar majeng ring panilik ri kala benjang pungkur ngajahin ring sekolah mangda nganggen *metode drill* sane anut.